

**ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**  
**ՈՐՈՇՈՒՄ**

«18» օգոստոսի 2020 թ.

N 353- Ա

ք. Ստեփանակերտ

**ԱՐՑԱԽԻ ՀԱՆՐԱՊԵՏՈՒԹՅՈՒՆ ՆԵՐՄՈՒԾՎԱԾ ԱՇՆԱՆԱՑԱՆ  
ՄՇԱԿԱՐՈՒՅՍԵՐԻ ՍԵՐՄԱՑՈՒԻ ԱՐԺԵՔԻ ՄԱՍՆԱԿԻ ՍՈՒՔՍԻԴԱՎՈՐՄԱՆ  
ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Արցախի Հանրապետության Նախագահի 2017 թվականի սեպտեմբերի 25-ին Հ-108-Ն հրամանագրով սահմանված կարգի 3-րդ կետով՝ Արցախի Հանրապետության կառավարությունը **ո ղ ո շ ու մ է.**

1. Հաստատել Արցախի Հանրապետություն ներմուծված աշնանացան մշակաբույսերի սերմացուի արժեքի մասնակի սուբսիդավորման ծրագիրը՝ համաձայն հավելվածի:

2. Արցախի Հանրապետության գյուղատնտեսության նախարարությանը՝ տնտեսական տարին ավարտվելուց հետո՝ եռամսյա ժամկետում Արցախի Հանրապետության կառավարություն ներկայացնել հաշվետվություն՝ կատարված աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում հաստատման պահից:

**ԱՐՑԱԽԻ ՀԱՆՐԱՊԵՏՈՒԹՅԱՆ**  
**ՆԱԽԱԳԱՀ**

**Ա. ՀԱՐՈՒԹՅՈՒՆՅԱՆ**

## ԾՐԱԳԻՐ

### ԱՐՑԱՒԻ ՀԱՆՐԱՊԵՏՈՒԹՅՈՒՆ ՆԵՐՄՈՒԾՎԱԾ ԱՇՆԱՆԱԳԱՆ ՄՇԱԿԱՐՈՒՅՍԵՐԻ ՍԵՐՄԱՑՈՒԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ

#### I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ծրագրով կանոնակարգվում են 2021 թվականի բերքի տակ նախատեսված Արցախի Հանրապետություն ներմուծված աշնանացան մշակաբույսերի սերմացուի արժեքի մասնակի սուբսիդավորմանն ուղղված միջոցառումների (այսուհետ՝ Միջոցառում) իրականացման հետ կապված հարաբերությունները:

2. Սույն ծրագրի իմաստով օգտագործվող հիմնական հասկացություններն են՝

**1) աշնանացան մշակաբույս (այսուհետ՝ աշնանացան մշակաբույս)**՝ ցորեն, գարի և տրիտիկալե.

**2) մալրակարար-շահառու՝** Միջոցառման շրջանակներում աշնանացան մշակաբույսերի սերմացուների ներմուծումն իրականացրած (հնարավոր է նաև շահառուների համար) շահառու.

**3) շահառու՝** Միջոցառման շրջանակներում սուբսիդավորում ստանալու նպատակով Արցախի Հանրապետության գյուղատնտեսության նախարարություն (այսուհետ՝ Նախարարություն) հայտ ներկայացրած ֆիզիկական կամ իրավաբանական անձ.

**4) մալրակարար՝** շահառուի պատվերով սերմեր ներմուծող ֆիզիկական կամ իրավաբանական անձ.

**5) Միջոցառման մասնակից՝ (այսուհետ՝ միջոցառման մասնակից)** մատակարար-շահառու, շահառու.

**6) ներմուծված աշնանացան մշակաբույսերի սերմացու (այսուհետ՝ սերմացու)**՝ Արցախի Հանրապետությունում և Հայաստանի Հանրապետությունում հավաստագրված, տնտեսական օգտակարության պետական սորտափորձարկում անցած և օգտագործման թույլտվություն ունեցող սորտերի ցանկում գրանցված Արցախի Հանրապետություն ներմուծված՝ էլիտա և (կամ) առաջին վերարտադրության աշնանացան մշակաբույսերի սերմացու.

**7) սերմացուի արժեքի մասնակի սուբսիդավորում՝** սերմացուի արժեքի մասնակի փոխհատուցում:

**II. ԱՐՑԱԽԻ ՀԱՆԱՐՊԵՏՈՒԹՅՈՒՆ ՆԵՐՄՈՒԾՎԱԾ ԱՇՆԱՆԱՑԱՆ  
ՄՇԱԿԱՐՈՒՅՍԵՐԻ ՍԵՐՄԱՑՈՒԻ ԱՐԺԵՔԻ ՄԱՍՆԱԿԻ ՍՈՒՔՍԻԴԱՎՈՐՄԱՆ  
ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ**

3. Նախարարությունը համակարգում և վերահսկողություն է իրականացնում Միջոցառման իրականացման գործընթացի նկատմամբ:

4. Միջոցառմանը մասնակցելու նպատակով շահառուները՝ Արցախի Հանրապետության գյուղի և գյուղատնտեսության աջակցության հիմնադրամի (այսուհետ՝ Հիմնադրամ) միջոցով սերմացուների ներմուծման դեպքում, մինչև սեպտեմբերի 10-ը դիմում են Նախարարություն՝ ներկայացնելով անհրաժեշտ սերմացուների տեսակի և քանակի վերաբերյալ տեղեկություններ:

5. Նախարարությունը սույն ծրագրի 4-րդ կետով սահմանված տեղեկությունները ստանալուց հետո հինգ աշխատանքային օրվա ընթացքում ընդհանրացնում և Հիմնադրամ է ներկայացնում համապատասխան տեղեկություններ՝ Հիմնադրամի միջոցով սերմացուների ներմուծումը իրականացնելու համար:

6. Հիմնադրամը սերմացուների ներմուծումն իրականացնում է Հիմնադրամում գործող կարգերին համապատասխան՝ պահպանելով սույն ծրագրի 7-րդ կետի 2-րդ պարբերությամբ սահմանված ժամկետը:

7. Սերմացուի արժեքի մասնակի սուբսիդավորում ստանալու համար պարտադիր պայման է հանդիսանում Արցախի Հանրապետության տարածքում մինչև 200 հեկտար մակերեսով աշնանացան մշակաբույսերի ցանքատարածությունների մշակման նպատակով հայտի ներկայացումը, ընդ որում մասնակի սուբսիդավորման ենթակա սերմացուի քանակը 1 հեկտարի հաշվարկով չի կարող գերազանցել ցորենի դեպքում՝ 250 կիլոգրամը, գարու դեպքում՝ 160 կիլոգրամը, տրիտիկալեի դեպքում՝ 220 կիլոգրամը:

Հաշվի առնելով աշնանացան մշակաբույսերի ցանքի ագրոտեխնիկական ժամկետները մատակարար-շահառուների, մատակարարի և Հիմնադրամի միջոցով սերմացուների ներմուծումը պետք է իրականացվի մինչև տվյալ տարվա հոկտեմբերի 31-ը, իսկ միջոցառման մասնակիցների կողմից ցանքը կատարվի մինչև տվյալ տարվա նոյեմբերի 30-ը՝ սույն ծրագրի շրջանակներում, ինչպես նաև Հիմնադրամի միջոցով ներմուծված սերմացուներով՝ ներկայացված հայտով նախատեսված քանակներին համապատասխան: Սերմացուների յուրաքանչյուր խմբաքանակի համար միջոցառման մասնակիցները Նախարարություն են ներկայացնում սույն ծրագրի 9-րդ կետով նախատեսված փաստաթղթերը:

8. Մասնակի սուբսիդավորման գումարը 1 կիլոգրամ սերմացուի դիմաց կազմում է 70 ՀՀ դրամ, որը տրամադրվում է Հիմնադրամի միջոցով:

9. Սերմացուի արժեքի մասնակի սուբսիդավորում ստանալու նպատակով մատակարար-շահառուն և շահառուն մինչև տվյալ տարվա նոյեմբերի 15-ը հայտ են ներկայացնում Նախարարություն՝ համապատասխանաբար համաձայն NN 1 և 2 ձևերի, կցելով սերմացուի հավաստագրի, ներմուծումը հավաստող փաստաթղթի, որակի

փորձաքննության անցկացման արդյունքների մասին համապատասխան փաստաթղթի, հայտատուի անձը հաստատող փաստաթղթի պատճենները, հողամասի (ցանքատարածություն համարվող) նկատմամբ սեփականության, վարձակալության կամ անհատույց օգտագործման իրավունքի պետական գրանցման վկայականի պատճենը կամ նոտարական կարգով վավերացված՝ հողամասի սեփականատիրոջ համաձայնությունը՝ հողատարածքում ցանք կատարելու վերաբերյալ:

10. Նախարարությունը հայտերի ներկայացման վերջնաժամկետից հետո հինգ աշխատանքային օրվա ընթացքում ուսումնասիրում և Հիմնադրամ է ներկայացնում դրական եզրակացություն ստացած միջոցառման մասնակիցների ցանկը՝ նշելով սուբսիդավորման ենթակա գումարը:

11. Հիմնադրամը՝

1) սույն ծրագրի 10-րդ կետում նշված տեղեկությունները ստանալուց հետո հինգ աշխատանքային օրվա ընթացքում դրական եզրակացություն ստացած միջոցառման մասնակիցների հետ կնքում է համապատասխան պայմանագրեր՝ նախատեսելով տասը աշխատանքային օրվա ընթացքում սուբսիդավորման ենթակա գումարի փոխանցումը միջոցառման մասնակիցներին,

2) սույն կետի 1-ին ենթակետում նշված աշխատանքներն իրականացնելուց հետո տասնօրյա ժամկետում Նախարարություն է ներկայացնում տեղեկություններ իրականացրած աշխատանքների վերաբերյալ:

12. Սույն ծրագրի 7-րդ կետի 2-րդ պարբերությամբ սահմանված ժամկետների ավարտից հետո մեկամսյա ժամկետում Նախարարությունը վերահսկողություն է իրականացնում միջոցառման մասնակիցների կողմից սերմացուների նպատակային օգտագործման նկատմամբ:

13. Միջոցառման մասնակիցների կողմից սերմացուների ոչ նպատակային օգտագործման դեպքում սուբսիդավորված գումարը մեկամսյա ժամկետում ենթակա է վերադարձման պետական բյուջե:

14. Նախարարությունը՝ հիմք ընդունելով սույն ծրագրի 11-րդ կետի 2-րդ ենթակետում նշված տեղեկությունները, Հիմնադրամին է տրամադրում անհրաժեշտ ֆինանսական միջոցներ 2021 թվականի Արցախի Հանրապետության պետական բյուջեով նախատեսված միջոցներից:

### **III. ՄԻՋՈՑԱՌՄԱՆ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ**

15. Միջոցառման իրականացումից ակնկալվող արդյունքներն են՝

1) Արցախի Հանրապետությունում աշնանացան մշակաբույսերի բերքատվության մակարդակի բարձրացում.

2) ցանքատարածությունների ընդլայնման, բարձրարժեք սորտերի օգտագործման և ազրոտեխնիկական միջոցառումների բարելավման արդյունքում, տեղական աշնանացան

մշակաբույսերի արտադրության ծավալների ավելացման համար նախադրյալների ստեղծում (ներմուծված սերմերի հաշվին 2021 թվականին նախատեսվում է ունենալ շուրջ 25000 (քսանհինգ հազար) հեկտար աշնանացան մշակաբույսերի ցանքատարածություն).

3) համալիր միջոցառումների արդյունքում երկրի ագրոպարենային համակարգում համեմատաբար կայուն իրավիճակի ձևավորում.

4) 25-30 տոկոսով աշնանացան մշակաբույսերի բերքատվության մակարդակի բարձրացում:

Արցախի Հանրապետության  
գյուղատնտեսության նախարարություն

Հ Ա Յ Տ

Դիմող \_\_\_\_\_

(Ֆիզիկական կամ իրավաբանական անձ,)

Բնակության վայրը (գտնվելու վայրը), հեռախոսահամարը \_\_\_\_\_

Անձնագրի և հանրային ծառայությունների համարանիշիկամ սոցիալական քարտի  
համարը \_\_\_\_\_

Գործունեության իրականացման վայրը \_\_\_\_\_

Ներմուծված սերմացուի քանակը և տեսակը \_\_\_\_\_

որից \_\_\_\_\_

(սերմացուի քանակը և տեսակը, ազգանունը, անունը, հայրանունը, անձնագրային տվյալները)

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_ համար

Ներկրման ժամկետները \_\_\_\_\_

Հայտին կից ներկայացնում եմ հետևյալ փաստաթղթերը՝

1. \_\_\_\_\_

2. \_\_\_\_\_

3. \_\_\_\_\_

4. \_\_\_\_\_

5. \_\_\_\_\_

6. \_\_\_\_\_

\_\_\_\_\_

\_\_\_\_\_

Ներկայացված տեղեկությունների իսկությունը հաստատում եմ՝

\_\_\_\_\_

(ստորագրությունը, անունը, ազգանունը (անվանումը))

«\_\_\_» \_\_\_\_\_ 20\_\_թ.

Կ.Տ.

Արցախի Հանրապետության  
գյուղատնտեսության նախարարություն

Հ Ա Յ Տ

Դիմող \_\_\_\_\_

(Ֆիզիկական կամ իրավաբանական անձ)

Բնակության վայրը (գտնվելու վայրը), հեռախոսահամարը \_\_\_\_\_

Անձնագրի և հանրային ծառայությունների համարանիշիկամ սոցիալական քարտի  
համարը \_\_\_\_\_

Գործունեության իրականացման վայրը \_\_\_\_\_

Ներմուծված սերմացուի քանակը և տեսակը \_\_\_\_\_

Ներմուծողը \_\_\_\_\_

(ազգանունը, անունը, հայրանունը,

անձնագրային տվյալները կամ հիմնարկամը)

Ներկրման ժամկետները \_\_\_\_\_

Հայտին կից ներկայացնում եմ հետևյալ փաստաթղթերը՝

1. \_\_\_\_\_

2. \_\_\_\_\_

3. \_\_\_\_\_

4. \_\_\_\_\_

5. \_\_\_\_\_

6. \_\_\_\_\_

Ներկայացված տեղեկությունների իսկությունը հաստատում եմ՝

(ստորագրությունը, անունը, ազգանունը (անվանումը))

« \_\_\_ » \_\_\_\_\_ 20\_\_ թ.

Կ.Տ.

ԱՐՑԱՄԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ  
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ  
ԳՈՐԾԵՐԻ ԿԱՌԱՎԱՐՉՈՒԹՅԱՆ ՊԵՏ

Ա.ԼԱԶԱՐՅԱՆ